

Vanzgyangh Yinxhaeuj Gihfouzvunz Cizbauj Haeuj Mbanj Dwkbwnh

环江引进植保无人机入村施肥

9 nyied 12 hauh, youq gwnzmbwn Vanzgyangh Mauznanzcuz Swciyen Lozyangz Cin Myausiz Cunh benq nazguhyiengh haeuxsihlai, gihfouzvunz cizbauj dwkbwnh ciengzmienh yinx haujlai vunzmbanj doxcienj daeuj yawjngonz, caemhcaiq ndaej haenh ndei.

Bineix 5 nyied, Gvangjsih Sinhhwngzli Douzswh Mizhanh Gunghsw h caeuq Vanzgyangh Lozyangz Cin Myausiz Cunh ciemdingh bau reihnaz ginghyingzgenz riuzcienj hozdungz, aeu aen mozi “lungzdouz giyez + nungzminz conhyez hozcozse + nungzhoh” ma hwngfat nungzyez canjyezva, youq aen cunh neix Mbanjgiugenj guh 50 moux

nazguhyiengh haeuxsihlai. Ngoenz haenx, youq gwnz gij nazguhyiengh haeuxsihlai heuswdswd ndaw gihdi haenx, aen gunghsw h neix gisuz yinzyenz hawj gyoengq nungzhoh yienhciengz sonyinx baenzlawz dwkbwnh caeuq byoqyw gisuz, riengzlaeng gisuz yinzyenz cauhoz gihfouzvunz cizbauj miz lohdaez dwk guh hong raemxyingzyangj byoqsaj.

Ciuq aen gunghsw h neix bouxfucwz naeuz, aen gihfouzvunz cizbauj haenx lajdaej de ndaej daepreak aen sieng coux miz 20 gaen raemxyw (bwnh) he, bingzyaenz 1 moux byoqyw mbouj daengz 5 faen cung.

(Veiz Yui Lij Swngghdoz/韦睿 李生脱)



▲Aen gihfouzvunz byoqyw.

Yungzsuij: Beizyin Boux Guh Aenvenz Feihyiz 融水：培训非遗芦笙制作人

9 nyied 16 hauh, Yungzsuij Myaucuz Swciyen banh aen banbeizyin guh aenvenz Myaucuz. Mbat beizyin neix dwg youq aen ranz langhbaij swnjcienz guh aenvenz Myaucuz, gaep guekgya feihvuzciz vwnzva

yizcanj vunzswnjcienz Liengz Bingjgvangh haenx haiban, 15 boux gyaez aenvenz Myaucuz haenx camgya aen ban beizyin 12 ngoenz neix, swnjcienz dinfwngz guh aenvenz Myaucuz.

(Liu Swjyenh/廖子渊)



▲Liengz Bingjgvangh hawj boux-coz gangj gij fuengfap guh aenvenz.



▲Boux saefouh guh aenvenz hawj gyoengq hagseng yawj.

Nungzminz Guh Fukveh Hung Ndaw Naz “Gvaengx Guengjsae”

农民制作“环广西”稻田巨画

9 nyied 13 hauh, Luzcai Yen Cunghdu Cin Cangzswng Cunh ndaw naz henz lohguek G323, dangdieg nungzminz fwngzsoem guh fukveh hung he baijyienj youq ndaw naz gig sangjda. Fuk veh neix gij neiyungz de dwg cienj gij saenqsik danci doxdax “gvangx Guengjsae”.

Bineix, Guengjsae goengloh seiqgyaiq danci doxlwnz doxdax loh gvaq Luzcai Yen, youq aen yienh neix diuz loh doxdax haenx raez 62 goengleix. Dangqnaj, aen yienh neix yungh lai cungj hingzsik daeuj gyagiengz senhconz gij hong neix, yungh cienzbouh ligliengh daeuj ciepcoux fugsach sienggveng doxdax.

(Lai Genveih/赖建辉)

Lozcwngz: Guh Hung Aendoih Canghyw Lajmbanj

罗城：壮大仫佬山乡村医队伍建设



▲Canghyw lajmbanj vih vunzlai rau hezyaz.

9 nyied 12 hauh, youq ndaw veiswngghsoj Lozcwngz Mulaujcuz Swciyen Gyauzsau Yangh Donzcunh, boux cizbanh canghyw Banh Cinzyungj vih vunzlai rau hezyaz.

Gaenh geij bi neix daeuj, aen yienh neix mboujduenh damq aen mozi moq guh hung aendoih canghyw lajmbanj, gaenxmaenx dak veiswnggh yozyau baihgwnz gungganq canghyw lajmbanj, cugciemh gaijgez gij vwndiz canghyw lajmbanj lauxgeq caeuq mbouj miz vunz ciep neix, caenh' itbouh gaijgez le gij nanzdaez lajmbanj dieg gyae vunzlai yawj bingh hoj neix.

(Se Sunhwngz/谢顺珩)